

¡BOMBA!

Que el voto fue muy poquito,
grito a boca de caimán;
fueron más que por el PAN
y muchos más que por Alito



K'intsil

Martes 3 de junio de 2025

CAMPECHE · YUCATÁN · QUINTANA ROO · AÑO 10 · NÚMERO 2490 · www.lajornadamaya.mx



Táankelem kolnáal pak'ik kiwie', u k'áat u ka' kuxkiíns lu'um tu'ux úuch nuclear loobilaj Fukushima

Afp / p 18
Oochel Reuters

Ma' náach ti' le tu'ux úuch nuclear loobilaj Fukushimae', Takuya Haraguchi, ku kaláantik u paak'al kiwi tu yáam u yooxolil yáax k'iin, ti'al beyo' u ka' líik'sik kuxtal ti' lu'um tu'ux j-úuch loobilaj.

11 u ja'abil xi'ipal ka'aj tiita'ab lu'um tu kaajil Japón; tu paache' taal jump'eel mu'uk'a'an tsunami tu'ux jk'iim 19 mil 500 kimeno'ob wa máako'ob sa'atij.

Ja'e' tu jats'aj u central nuclearil Fukushima, tu jáal ja'il u xaman-lak'inil noj lu'um, tu yóok'olale' yanchaj k'aak'as fusión nuclear.

Takuya Haraguchi, máax kaja'an ka'ach Osaka, kex 800 kilómetros náach ti' le tu'ux úuch loobilaje', sajakchaj tumen kux túun wa radiacióné' ma' táan u cha'ak u kuxtal máak te'elo'.

Walkila', 25 u ja'abil, túumben kajnáal tu kaajil Okuma. Ku tukultik je'el u líik'sik tuka'atéene'.

"Tuláakal máak u yu'ubmaj wa ba'ax yóok'olal nuclear loobilaj. Ba'ale' ma' ya'ab máax u k'ajóol le baanta je'ela', mix xan ba'ax ku beeta'al ti'al u líik'sa'al", tu ya'alaj xi'ipal chíika'an ku meyaj yáanal k'iin.

"In k'áate' ka yanak uláak' máako'ob ka'aj u yóot u pak' kiwi (...) yéetel u yojéeltik bix Fukushima walkila'", tu ya'alaj.

Ma'ili' úuchuk loobilaje', le baanta je'elo' k'ajóolta'an tumen yaan peras yéetel melocotones. Ba'ale' nuclear ba'al j-úuche', tu láaj k'askúuntaj ba'al.

Tu jo'oloj lajump'eel ja'abo'obe', yéetel ya'abach meyaj ti'al u descontaminarta'al, tu'ux luk'sa'ab u yáal lu'um yaan ka'ache', jo'olpóopo'obe' tu ya'alo'obe' uts u jaanta'al ba'ax ku pa'ak'al Fukushimai'.

Takuya Haraguchi tu xokaj informática, ba'ale' ba'ax jach u k'áate', leti' u meyaj beey arboricultor.

Tu ja'abil 2021, tu k'ajóoltaj u noj kaajil Okuma, úuchuk u bin ti' jump'eel evento ti'al xoknáalo'ob, ts'o'oke' tu k'ajóoltaj máaxo'ob u k'áat xan meyaj ti' u líik'sa'al u paak'alil kiwi te'elo'. Le beetik tu beetaj u meyajil ReFruits, yéetel juntúul u socioi'. Walkila' ts'o'ok u pak'iko'ob 2.5 hectáreasil k'áax ts'o'oke' tu páa'tik u jochko'ob yáax kiwis ti'al le ja'ab kun taalo'.